

太古集序

余少時在燕趙間聞太古真人之名然未嘗瞻拜履錫聆警效之音頗爲慊恨每一思咏風烈如想蓬萊瀛洲方丈中人也今適得親見真人法嗣普照大師范君君爲人聰明照了八窗玲瓏其在東平之正一也道俗瞻依風聲千里雲集檀施興建道場廣殿齋厨賓寮廩舍纔四二年已不啻數十百楹矣一日過壁曰圓曦所以區區成此功德者亡他政欲推廣先師道範功行爾其先師太古真人舊有崑崙文集當時刊行者滅裂訛漏極多圓曦以爲宗風準的道學淵源在則人亡則書蓋不可須臾離也雖甃甃浮圖增九級之高曾未若心印書傳無片言之道藏輯要

太古集

壹

胃集八

誤眾人徒見圓曦營建葺累之勤孰知於崑崙文集補綴闕遺改正差謬亦頗有一日之勞焉書已補完子盍爲之序引壁曰少時傾嚮真人風烈以不及瞻拜履錫爲恨今得附名於文集間蓋甚幸也然嚮所得皆傳聞語大師實爲法嗣親炙日久知真人之詳莫如大師請追述真人道德風烈之一二以實叙引以信後人大師因手錄行實見示其錄如左師俗姓郝世居甯海爲州人之首戶昆季皆從儒學兄諱俊彥舉進士第官至朝列大夫昌邑縣令師獨幼年穎異識度夷曠儵然有出塵之姿祖師重陽真人大定丁亥自秦適齊抵甯海一見師卽以神仙許之後於崑崙山對眾傳衣師自傳衣之後亦不以得道自居

蓋自韜晦往往乞食於真定邢洛間過趙州南石橋之下因持
不語趺坐留六年寒暑風雨不易其處童子來劇者見其土木
形骸至以瓦石周擁其旁師居之晏如也昌邑君之季女適真
定少尹郭長倩會郭夫婦偕往真定車騎甚都道出石橋問知
師在橋下駐車拜禮以衣物存慰者甚厚師藐然若不相識一
無所受夫人感泣長倩嗟異移時而去師於世緣堅決乃爾故
能專意於道歲月浸久精神感格一日至灤城南神人授師大
易忽大開悟事多前知名滿天下大安中朝廷賜以命書廣甯
全道太古真人卽其號也自灤城授易之後言人禍福毫髮無
差且自知其壽數當七十有二至期辭誠門人無疾而逝所著

道藏輯要

太古集

貳

胃集八
X石L

書六帙實錄所載如此然則曩燕趙所聞猶未盡真人之所有
也序旣竟大師謂壁曰子作先師文集序而載正一興造得無
贅乎余應之曰語錄記述以傳心也功德興建以示跡也余年
七十有五回首響來燕趙傳聞如隔再世非大師哀集遺文追
錄行實則真人之遺風餘烈無自發明况後學晚生甯易知此
大師憑藉真人道蔭興建正一功德照耀東方今舉之所以聳
動學人俾易知耳古人有言曰雖無老成人尙有典刑在噫正
一功德其亦真人道蔭之典刑歟大師曰唯唯大師諱圓曦前
宋名相文正公之裔也前翰林學士馮壁序